

A *rubá*A *ntaño*

CASAMENTO NO TA PA MUCHA...un decir for di tempo di Aruba Antaño. Awendia tin hopi casamento y hasta ta ser bisá cu esaki ta bai a la par cu divorcio. Pero tin falta tambe di e conocimiento di loke verdaderamente e ta nifica. Un cincuenta, sesenta aña pasá, si no ta mas. Pa mas di un siglo e parehanan ta casa pa raad, por ehemplo na Savaneta, anto esaki tabata tuma lugar den e casi di Emiliano de Cuba (foto), unda cu ta bini un hende di gobierno, y esaki ta haci su viahe solamente un biaha pa siman. Hopi prome cu esaki, e ceremonia tabata tuma lugar den e school bieu den curá di misa. Pa misa nan por a casa prome of despues di e casamento pa raad. Awendia esey no ta posibel mas, pasobra si e pastoor casa un pareha pa misa, sin cu esaki a casa pa raad prome, e pastoor por conta riba un boet. Pero mescos cu tabata na Colombia y talvez ainda ta'sina, cu nan ta casa pa misa so. Den e tempo di antaño, ora cu e pareha no ta catolico, nan no por a casa den misa mas, pero den sacristia.

Sintá riba burico nan tabata bai cas pa fiesta cu soppi carné y e coecoei. Ti biaha cu e bruid ta halé na pia cu su bini pareha pa acompañé, for di Savaneta te na Pos Chikito. Awor den esey tambe hopi cos a cambia. Podisé e unico cos cu no a cambia ta; casi nunca un bruid no por yega na e ora palabrá. Ta berdad cu bo ta casa dos biaha, ora cu bo casa pa raad y pa misa? Ta berdad, cu casamento pa raad ta e matrimonio mes, mientras cu e ceremonia den misa ta nada mas cu un bendicion di Dios y su Iglesia? Of casamento pa raad ta puro formalidad, mientras cu casamento den misa ta e unico cu tin balor? Contesta riba e tres preguntanan aki mester ta; cu ta trata di un solo casamento, un realidad, den entrega na otro y promesa di fieldad. Pero pa esnan cu tin fé, e realidad aki tin un aspecto mas cu nos ta yama sacramento, esta señal di presencia di Cristo.